

後

湘

詩

集

後湘詩集序

昔人論詩曰不苟作姚子論詩曰不强作不强卽不苟之旨而申之彌顯教人彌切誤解不苟迹或隣於自矜釋以不强恬如無事故其取喻風簫流音萬籟感物而動與道大適吾今請言姚子之詩姚子生於茂族德業上肩十數世曾祖薑塢先生卓爲通儒從祖惜抱先生賅極文苑根柢深厚枝葉扶疏爲其詩緒少嘗空乏鼴勉茶蓼光氣赫起知交類應睽離翕聚晏安勞苦之端歎忻思慕衆歎不平之會爲其詩情江介山川上京文物久已發皇耳目攢嵩嶽岱宗之奇泛洞庭彭蠡之險遐止嶺嶠再浮閩海海天沉鬱萬怪荒忽爲其詩境家庭孝弟率厥職耳鄉鄰任恤徇厥義耳洎乎宦成大見措施始在龍溪臺灣暴悍之

區誅巨憲華汚俗耕鑿用父譁譴以興爲其詩事城府不設悃款如揭嗜欲既寡志乃專贏凡已所長不以病人人各有能不以異已而斥以至抽揚小善拚覆細過爲其詩量緒以基之情以宣之境以充之事以實之量以宏之總乎眾理以達其材涵乎天倪以峻其品非有謔也非有契也未嘗命篇爭名銜技之徒烏能測其旨趣故姚子之詩或終歲斬一詠或旬月累一編當其無言翛然自默當其欲言則雲興於山泉赴于淵浩浩乎莫知所止也汨汨乎莫知所自來也嘻異矣論者多以貴仕望姚子非徒功績正欲其秀詩清廟鏘洋韶鈞焜耀天下夫姚子之仕也亦無容心時可進則進遇可通則通不强而已不强斯不苟矣吾以告世之讀姚子詩者鄱陽陳方海

後湘詩集自敘

天下之事有適然而合不知其然者其風之過簫乎世之爲簫也六其竅大地之簫也萬之若川若谷若深林若阜草若篠籟若松柏君毛羣鱗羽類高者若鸞噦若鶴唳下者若虎嘯若龍吟若蛙蚓之鳴簫之爲族不同大地之風一也風之爲物若嗚嗚若肅肅時而冷然時而颯然至于鼓天地晦日月其爲情狀亦不同所以感于物而後動則又一也故人之吹簫者不離乎宮商徵羽而聽之者或超然遺世或泣下沾襟惟吹之者之異其情也故所感亦異若吹者之感於物而異其情也則亦有然矣世有聞吹簫而不知感者非宮商之不調徵羽之不和也無亦所感而吹者其情未至有強作者乎若風之過簫也必無是矣夫

詩者亦人之簫也是其作也不可以無風苟無風雖天地不能發其聲音而何強作之有哉強而作者雖引宮商刻徵羽吾弗之善也知斯說者可與言詩矣嘉慶十九年冬

月日

後湖詩集目錄

卷第一 五言古體四十八首

處女篇 遊子篇 采葛篇 摸古八首

雜詩

飛龍引四首 歲莫吟三首

贈吳子方

夜飲方

竹吾北園偕左匡叔徐六襄方履周光律原張阮林

諸君 白溝河大風 帝京篇三首

去京邑夜至

津門還寄徐六襄光律原

望嶽

兗州道中述懷

月下有懷 太白樓

晚泊樅陽訪朱歌堂不見

辭家曲 訣古七首

四月十五夜月

十九夜

待月不見 寄劉孟塗

寄易卿三首

寄懷徐六

襄三首

卷第二 五言古體三十四首

詠懷十三首

再酬張阮林京師寄懷之作 夢歸

從化南至日出北門登大奎閣觀壁上諸君重九

詩歸而有作示王明府

二首

從大奎閣歸途中憶

在櫛山日開元寺一僧窮老且病客至亦不爲禮然
枯寂有禪意余梅花時輒訪之今此閒有僧頗能詩

乃不及也

獨坐

夕懷

盛雨

寄希光姪

七

月五日用東坡韻

愁來

秋後避熱

王嘯雲齊中

枉詩見贈

雨後喜涼示王嘯雲

雨夕悵然有懷

冢兄伯符

夜思

中秋日出遊

溪山夜興

番

禹段納秋

佩蘭

招同薛南洲微茂

黃香石培芳遊白

雲山自蒲澗至安期巖

夜雨止宿

九月二十一日

至羊城謀歸忽聞故人張阮林歿于京師驚哀有作

成七十四韻 贈管異之 脙馬湘贊飲餘霞閣見
贈

卷第三 七言古體三十首

謠變

并序十七首

望粵吟

并序三首

河上吟

百
掩骨哀

并序二首

贈彬卿

夢中作

采石

磯遇汪夢塘

彭口曉望

贈李效曾明府卽題其

海上釣鼈圖

過滕王閣

卷第四 七言古體二十四首

廬山謠

峽江歌

倡仄吟

鼠嚙嘆

相逢行送

董定園

陳小松長夏讀書圖

憶昨行寄吳子方

海門夜泛

登浴日亭觀日出歌

荷蘭羽毛歌

荔支行

病熱小愈程鶴樵學使以蜜蘭見餽爲

長句謝之 安俊黃歌

并序

觀梅舞劍行贈梅壯

士

有序

喜雨歌爲王蓬壺明府作

秋陰放歌答

王竹齋時以事之珠江

渡河謠

夜過半湖 明

星曲爲田貞女

有序

甲戌九日王蓬壺明府集宴

大奎閣時余病初起爲長歌紀遊

翻疊九日韻賦

別王蓬壺明府宋青城贊府徐奕巖王嚙雲竹齋諸

同舍 湯雨生都尉有憶僧詩十九首旣又作憶僧

圖諸名士皆爲題詩余臨行雨生索題途中乃成長

句奉寄 大風泊左蠡鎮十日夢自家中登車若違

行者 湖上獨酌寄李孝曾追悼張阮林之作

卷第五 五言律詩一百二十首

南國 古點辭 與方履周家易卿登吳子山月臺

故張氏園林也有池館木石之勝今爲眾姓所居

客有談寒上事者題道援堂集懷方植之贈

張阮林彭城懷古二首別光律原兗州道中

有懷伏博士平原過東方朔故里蘆溝橋晚

眺南歸子卿二兄畫角扇相送經四驛館

南旋舟中雜詠五首不得伯兄消息二首八月

十五夜舟中望月舟中詠月初八夜十四夜

十五夜十六夜十七夜揚州二首京口

舟自丹陽至吳江二首過閩門作鳥程道中

酬吳中王南垞孝廉見贈送張阮林不及五

弟授室卻寄二首寄內二首湖口渡江二首

峽江縣玉笥立秋日過大庾嶺二首出湧陽

峽 中宿峽

寄懷李效曾張阮林

嶺南秋思

謝人送蘭花

聞雁 羅浮蝶

雜興

三百九日

侍大人登番山

南漢蘿洲在今學使後園

秋日

登粵秀山和曾賓谷方伯原韻同王野樵

客思二首

送孟塗歸里

寄謙弟 遣興

曉望 午日

遺問

四首 琥珀 海上送客 早衰

怨詩 得

方柂之書有懷卻寄

二首

寄孟塗 和清上人

望仙辭

四首

感懷 二十首

客心

段佩蘭招遊

白雲飲雲泉山館遇黃香石

次博羅縣

龍川道

中酬別饒嗜漁

過筠門嶺夜至會昌

自長甯人

江西界 虞陵有懷歐陽文忠公

左蠡鎮阻風

寒吹 舟中望廬山積雪

宿杭州慧安寺是明少

保于忠肅讀書故地有懷兼贈寺僧竺峰 途中閱

明東書 鄭城 暮雨寄欖山李凌巖

卷第六 七言律詩六十五首

漢宣帝 余生 有感二首 登樓 九日 九月

晦月偕方履周張阮林吳子山家易卿登西山 出

池口 燕湖夜泊 贈左匡叔 凤陽懷古 合肥

懷古 碁山懷古 都下雜詠三首 舟入汝河

寄友人白下 通州遇粵東張旭初同年 登徐州

城樓 從平山堂歸飲方氏餘廬 梅花嶺弔史忠

正公 淮城 武林喜見李孝曾 謁先芳麓公德

馨祠有序 白太傅祠 林處士墓下作 小姑祠

湖口送客 宿廬山下 南雄 奉贈轉運使陳

公自桂林至粵東 廣州郡齋作示孫秀林 孫秀

林齋中夜話 春日登粵王臺 送孫秀林落杏浦

夜泊三善鄉 奉寄劉金門先生二首 寄光栗

園 登何氏樓 病中作 香山道中書所見 贈

何生 余不見菊花三年矣香山友人以數盆見贈

繁英豔色極與吾鄉相似喜爲賦之 感懷 奉寄

程鶴標侍御時按試韶州 秋懷 雨夜獨坐憶京

中故人 幕府 冬夜讀書 夜檢篋中得孫秀林

舊詩頗多有感步其雷州遺懷原韻 粤中懷古六

首 白刃侍講兄自京師有詩見懷酬之 送吳岳

卿 喜晤劉孟塗 答孟塗 寄葉鐵梅三首

卷第七 七言律詩四十二首

夜過扶胥江

書懷

答何振遠

居門懷古

聞

律原客壽春

題五仙觀

酬杜愚泉孝廉見贈卽

送北上

感懷雜詠八首

寄方竹吾

花朝舟中

謁趙遂樓先生頗訝近狀之瘠有感賦呈

三十

惠州西湖謁東坡遺像

元妙觀

永福寺住惠

州十日未得游羅浮而去作詩以謝山靈

舟過大

黃浦得便風

酬張南山孝廉見贈

書齋春日

悼鶴鵠詩

有序

得孫秀林書

有懷六襄阮林

夏夜不寐

慕德里觀葬者

聞詔

甲戌十月七

日余年三十奴子蚤起進雞酒爲膳有感

南至日

行抵筠門嶺

江上立春

舒城道中與伯山同讀

阮林遺集

鄧城道中

許昌懷古

汴隄書所

見

魏武 趙州

乙亥再至京師有作呈諸公

卷第八

五言長律三首

述遇五十韻呈程鵠樵學使 張阮林自京師寄詩
慷慨慰勉情溢平辭因傷久別輒賦懷六十韻奉答
兼示徐大襄光律原 奉送邃樓先生由惠潮觀察
使提刑粵西時余亦將度嶺入都賦呈一百韻

卷第九

五言絕句三十首

七言絕句百二

十一首

鴛鴦曲

四首

洞房曲

四首

柳枝詞

四首

養蠶

詞三首

明珠曲

三首

下馬行

二首

媿媿歌

三

首

順德周有經爲余作畫四幅

八首

宿銅陵

謫仙樓

東流夜思

皖江雜詩

題朱歌堂淮汴

集 戲馬臺

與六襄律原飲松雪庵

燕子樓

望小孤山

夜泊

湖口阻風望廬山作

望小廬

山

芭竹灘

曉寒

寄吳岳卿

金壽生聽秋圖

二首

送楊小湘之惠州

二首

清明日登大奎閣

見桃花一株半落矣

悵然有作

二首

春思

廣寒

宮詞

十首

雜詩

四首

粵中雜詠

古蹟

六首

牛

李二相

二首

論詩

六十首

月夜過鷓鴣峰

題王肅雲嶺南詩

卷二

二首

太倉詩人

汪杏南年老工詩以諸生歎其弟子王蓬壺明府出其集屬余點訂

爲禮耕草堂詩鈔成并題三絕

題僧松亭詩集

二首

吳橋暮雨

晚渡曹娥江

二首

題孟塗二集

四首

北峽關旅夜遇伯山兄有贈

大梁

二集卷第一

古近體詩六十五首

丙子過鍾山書院有作寄陳石士編修光律原刑部

二首

海舶行

皇灣行

登韓氏園最高亭

安道士

二首

送鹿春如內渡兼示陳星村二十韻

有序

酬張霞翥

二首

送趙鄜麓宿漁溪寄張

泰鴻

臥病

得馬元伯書喜得歸里聞又有嶺南

之游

星蝕月

送張霞翥內渡

二首

蚤歲自

問海外較閱

伯印奉使盛京恭篆

高廟

玉寶還寄見憶之作

病中作

得家兄伯符書言

葬事未就

寄謙弟

寄懷胡小東光律原二比部

兼呈族兄子卿五官正

三首

次韻馬元伯自黑龍

江歸里與劉孟塗朱歇堂

小飲寄懷之作

二首

和元伯至京師見懷一首次韻
逃憂四首
曉旭

有懷劉明東朱歌堂
甲申十月生日作
臺灣郡齋紅蕉數株六月放花至十一月強半葉枯而花未已小鳥時時來啄詩以慰之
望溪端硯歌
別穎

齋觀察
三月朔日自臺灣放舟至澎湖忽遇北風舟南駛不可收越兩日夜達粵東之惠來乃捨舟登陸阴道至湖州偕方子步璣登江樓小飲憑檻有作寄穎齋觀察
自梅筵換舟至赤石
赤石夜作

山中夜泊
乙酉重經平和士民遺畱不已勉爲再宿眾人演劇相賀詩以酬之
福州旅寓中別家人
北行示繼光作三首
閩人蓄婢勸納詩以謝之

錦白髮歌
遊鼓山偕張亨甫林梅友汪鐵崖三子

繼光小疾亦欣與焉

七首

舟中暮雨有懷

延平

曉發

晚泊延平城下喜張慶齋見過且餽茶筍

座主趙武陵公靜坐澄心圖

題圖後復作一首奉

別

再中午夢到一園亭有軒池竹石之勝主人烹

茗邀客甚殷作詩以贈覺乃僅憶八句遂率成之

山水大漲舟不得進泊葭葦中遙望斷山一做登岸

攀緣久之得一狹口更百餘步豁然開朗稻田數百
頃嘉禾青秀可愛山泉亂響溝渠滿漱四面山圍綠
合竹樹甚茂平疇中起一小山高里許巖谷天然時
雨初晴四山草香撲鼻野鳥雜色稍磔飛鳴不可名
狀徘徊經時心甚羨之歸詢舟人不知地名亦未嘗
至也

若雨 守水

卷第二 古近體詩二十首

蜻蜓

畱別臺中人士

五首

示內

二鳥詩過南

昌呈座主劉少宰時以編修引疾歸里

二首

夏寒

行寄方植之 湘子橋 舟行觸魚躍起丈餘惜不能得之 獨酌偶憶昔在粵中有術者言余前身爲

王無功戲賦此篇

新城道中 二首

舟起蚤發

雙姑謡

湖口夜下

歸家示友人 二首

卷第三 古近體詩三十九首

哭謙弟

吳春麓侍御招同鄧湘臯謙集大觀亭且

約爲白鶴峰之游

六首

寒知閣在龍眠山內左忠

毅少時讀書於此張文端嘗作詩和者頗多春麓侍

御屬作長句

鄧湘臯先人松堂讀書圖

湘臯有

田在新化之南村其兄雲渠隱焉以湘臯常游外恐
其仕作書招之湘臯乃作南村耦耕圖以見志 汪
芝亭太守得一畫宮殿人物甚眾有神人自空中下
一紳笏者拜之翁覃溪學士定爲閻立本畫天策府
圖又得山谷老人書歸去來辭墨蹟太守寶之合爲
一冊名曰唐宋合璧屬題余謂此非唐畫殆明嘉靖
時宮中建醮圖也畫不知誰作頗有文待詔筆妙字
則真黃書耳爲作一律 剝栗歌 贈馬元伯 寄
伯山 方竹吾吳岳卿朱歌堂魯岑家易卿縉周里
中小集明日竹吾之浙西余亦將入都 酬別同年
金鶴臯大令周伯悟陸綸山及里中諸子時眾人譖
集北固爲餓凡三十三人諸君皆有詩 夜行沙磧

申有詩寄內

管異之紫芝圖

雜遜

馬湘颯以

其字作圖屬題卽寄管異之梅伯言俟念勤三子

燕語一首贈姜贈珂別駕

送鄧湘臯下第南歸

餽嘯漁出都云將往浙東訪道者

魏默深贈佛書

數種

舟夜

穎上作銅雀臺弔魏武帝

楊花

所見大觀亭別植之

微雨登小孤山用東坡

焦山詩韻

植之自言辛卯歲將死屬作身後文戲

爲長句

餽河舟中寄光律原

古廟白芍藥

歌

雨晴

題洛陽橋下灘歌

卷第四

古近體詩六十二首

汀州藍喬爲余作秋山古寺圖二首

汪味根海上

歸槎圖

二首

藍生復爲余作美人香草圖感題一

絕 侯笠青美人掩卷圖 書恨四首 買馬歌送

郡都尉 東亭甫梅友時約游鼓山 慶姬有序

春晴 董思翁畫 萬伯翰畫竹 己丑四月方竹
吾來漳州邀同汪味根二丈胡曉峯同年陳澧西勝

藍村二明府文謙之貳尹遊開元寺觀唐咸通石塔
遂登芝山謁道原堂還至僧寮聽蔡香谷秀才彈琴
蔡石坪明府後至 喜聞馬伯顧自伊犁戍還復官

雲洞夜遊 凤臺夜坐 曉望 聽千人洞緣壁

登三角石 凤岡二丈年八十有二登山艱險豪邁
逾後生相約作詩且行且詠余幾應接不暇口占一
絕以贈 有感 余別侯念勤十有五年頃來閩中

急見不可得念勤見寄五言長律沈壯豪激輒成四

十字答之 紅拂圖 與竹吾夜話時同客漳州余年四十有五矣 寄徐六襄時調臨海令余方客

州 陸萊臧西湖詩夢圖 己丑十月余將去閩喜

遇亨甫於福州出示新詩有感 馮柳東登府東粵

修書圖

漳浦黃忠端公先塋在雲霄道光八年有

欲侵葬山麓者一夜山上石苔無數盡作黃山字凹

凸大小不一或篆或隸天成奇絕柳孝廉廷爵作黃

山苔字歌屬和

書陳恭甫編修戀雲圖卽以爲別

別張亨甫有作兼示令兄怡亭 別開化寺僧暢

宗

古田道中梅 遣悶五首 感懷雜詩二十首

除日建甯道中口號

卷第五 古近體詩三十五首

庚寅正月宿建陽縣 折梅 山中人日 楓嶺

見月 旅夜觀燈 題仙霞關壁 得李海帆書

有感 舟中立春 舟曉 閩雁 蘭溪 桐廬舟

中 口號 桐廬放舟 杭州晤徐六襄 許農生

自徽州來游西湖卽去 寄徽州劉玉坡太守 黃

梅道中 黃九香瑞琳以東坡紫雲端硯見示索詩

卽題其詩集 登武昌城樓 荆州弔劉景升 荆

州晤光律原

二首

再呈律原 道光十年九月至

武陵謁趙文恪公墓有作

五首

十月二十七日武

陵臨沅門外別趙惕吾

教訓

鄺麓

教諭

兄弟 贈武

陵胡光伯

焯

望湘 寄鄧湘臯時君爲甯鄉學博

增輯楚寶將成書來相召余方亟歸不能赴也

後湘詩集卷之一

桐城姚

瑩石

甫著

五言古體

處女篇

羅袂紫桂襦鳳簪碧瑣裝腰閒芙蓉纏用後珍珠囊輕質
蒙纖霧素昧流輝光行行采蘭杜不語心自芳東風何時
來桃李爭春陽蝶滿園飛不上白玉堂惟有博山爐可
以親其香

遊子篇

飄風不終朝驟雨不易時如何遠遊子一去無還期朝勸
阿母餌暮縫遊子衣遊子中路寒阿母堂上饑朔風吹白
日我馬骨以摧千里童僕親反令骨肉離瞻彼林中鳥晨

出莫還飛人生有遠遊不及乘時歸

采葛篇

采葛南山下朝露何纍纍願擷水中蒲不食道傍李葛充
下體衣蒲作盤中餐豈不懷昔辛生死爲君歎君言駕四
牡遠適齊與洛冠蓋謁通侯千金贈猶薄春陽麗花霧二
八豔城郭亦有故鄉思妾心正蕭索

擬古

如何當春時而乃使人悲羣芳競朝秀流景已西馳託身
事君子睂日以爲期顏色猶敷愉歡情竟中移良無金石
固顚顚安可知

流水悲石山落花思故林當時眾年少老歎霜雪侵霜雪
何能爾鬢髮摧人深一身且難期安保他人心開樽理清

聞聽我瑤華琴商羽皆言悲不及變宮音

楊朱泣歧路賈生痛時事阮籍悲途窮唐衢哭忠義先後
各千載同此徑寸意河水激流沙隄岸日崩潰隄崩亦有
盡河漫方無際遙遙古濱風頽壤何其易安得傷心人一
發中流喟

布衣致卿相古有公孫宏儒學一朝顯說經動九重更開
平津閣羣英羅其中桓榮亦三老東漢爲師宗西面見天
子撰杖皆三公盛哉兩漢儒赫奕聲何隆自云稽古力至
今仰其風我思六經訓日月萬古同上以經一世下以漱
其躬豈爲致官貴遂欲同聖功此義竟是非太息何終窮
上聖不言德下士益虛聲懷挾一卷書意氣橫相傾我聞
先漢季乃有嚴君平垂簾觀大易論道明元經斯人棄世

徒但自安沈冥世俗轉相耀謂有天漢名高才如太白未識作者心亦附齊東語不顧恩者驚

東風吹芳林綠葉發奇姿好鳥結深巢鳴蟬憩高枝一旦商庭發脫葉淒淒飛柯條不自堅依託者何爲寄言彈丸子無用更相隨

鶯矯雲閒鶴失勢一朝墮飲啄桑林中反畏蒼鷹翅主人偶相顧謂可園林飼惜哉橫海姿宛轉培墀閉三歎主人恩安識平生意

春女多感傷秋士氣懽顏栖栖遠遊子戚戚吳楚閒道逢故鄉卒人事有變遷昔時屠刀兒已作咸陽官買田瓦千甕大宅連雲端頗聞季子家貧寢日益艱戚友相寄問負米何時還

雜詩

明月出東窗徘徊在高樹宛宛襲幽芳娟娟濯雲素佳人
掩袂起含睇當朱戶不怨芳菲遲獨憎清光去桂花秋未
齊縕緯急如訴君遠不見懷鳴琴聊獨御

飛龍引

答我乘飛龍永言遊入荒東采博榮枝西飲瑤池漿玉女
繫我佩雲衣垂琅琅謁帝丹霄宮期羨各進觴醉聞鈞天
樂再拜陳新章茲事忽千年天老頭如霜失我元玉簡無
復白蜺裳驅車走京洛濯足臨江湘道遇邯鄲翁怪我顏
色蒼誓言反初服爲許傳神方羽蓋竟寂寥滄海空茫茫
遐思誠可慕厭世非徒然丹砂旣我欺四顧心如煎朝日
遊大河波浪盪我前梁齊多風沙莽莽黃入天舉首見岱

獄云亭互相連晉時金泥書裏裏飛紫煙斷仆秦漢碑字滅不復鐫金石尙如此皇武安足憐以此發長歎淚下如流泉

長生不可期初服未能反日短路苦長馭遲馬復蹇遙遙
秦川風吹我下修坂二十事遠邇豈不身手健戚友別道
周妻孥謝繩繕此行非王事何以致簪簪左挽樓煩弓右
把劔胡箭仰射雲中鵠聊以恣息偃

息偃不終朝意氣良干羨低顏事干謁無乃壯士羞問我
今何來曳裾千乘侯千乘夫何如令譽溢九州朝彈二千
石算決八百囚接士賦新詩狎客引齊諷入門競嬪媚得
失紛相讎我本江海人亦喪蒼生憂安能隨眾客進退爲
和柔長笑歸去來把酒酣滄洲

歲暮吟

歲華既言暮天意亦蕭慘宇宙盡寒色豈獨悲山林客從西北來河水冰雪深朝陽光自薄安能勝羣陰嗟彼無衣子猶撫瑤琴徒聞履霜操莫辨絲桐心

歲月常苦短離別常苦多噭噭雲中雁遠墜南海波海水既以深巨浪復嵯峨長風萬里來日見蛟龍過羽鍛不能飛四顧傷如何

烏生八九子飛去南天涯弱羽日以成猶傷故巢棲故巢雖云好去者歸無期大樹鳴北風出巢望以悲儲食不自啄覓父萬里睡精誠感蒼昊儻然已來歸哩哉此烏難成羽何其遲

贈吳子方

我雖居窮陬未能從四方紛紛名雋流略識其短長頗恨時譽中往往拘驟黃雖有要駕材無由見真良昔我未知子張子殊清狂阮林自矜幼得士稱予頗非常竊誦贈予什自謂已得詳子時遊京師未假結珩璜深思不可見時復勞遠望去歲在郡中忽得延清光對面苦不識歸來徒快快今茲日在柳聞子適來城趨晤喜已多倉卒轉莫名借茲六七輩酌酒入山莊萬松夾楓羅四山霽新霜欣此穩色佳入座俱少英微嫌屋中窄振衣上重岡忙聞子論說頗復獫心藏自從宋嘲來斯文更彫喪中閒數碩人扶植各有減未流戛分裂同室相矛槍遂使章句生翻笑伊洛荒文章亦絕軌衰薄不足張聖經如洪鈞萬態俱含生決決滄海流吐內河與江鵝飲自滿腹蟲食亦充腸但恨所

得微那更用謗傷可憎燕雀愚輒思噬鳳皇廓彼高飛翰
冥冥白翱翔獨慮此悠悠後生爲惑惶所以古哲人不顧
華言昌獨力爲砥柱障此百川狂懷之不可見我心實忤
君子誠有志士量知所重輕示我新著作筆墨何輝煌三
歎識子意賤筆不足評汲古綆必修致遠有所航身居泰
嶽顛始見梁父平我如出谷鳥求友方嚶嚶願夏抒子意
遂我幽居情已恨兒子遲何復去我傷孟冬慘羣陰黯黯
雲日光別路不可知舊恩滿離堂以子清妙才到處有逢
迎所知日以廣所益日以長慎言崇令德無忘夙昔盟自
顧衰朽姿逾冠髮已蒼歲月忽易晚四顧心茫茫負山知
力薄臨歧悲羊亡譬彼杯水流浮芥膠均堂先民亦有言
人苦不自量眇哉喜爲視跋蓋喜爲行含我素心友無與

其昏朗仰視浮雲飛急忽東西鄉安得盡爲龍上下常相
將因風送征蓋愴惄不能忘

夜飲方竹吾北園借左匡叔徐六襄方履周光律原

張阮林諸君

平生非達者浩蕩塞其內時對素心人忘形宇宙大茲園
面羣山左右環溪帶中有萬竿竹蒼龍偃松蓋方君乃居
此往興亦自適到門倚坐怡然況值暑初退解衣縱清言壺
觴遂傾醕流颶沁荷岸飛雪漱石漱日落萬峯明鳥聲一
林碎須臾山月白千里有微靄攀躋巉巖顛極目流光晦
眾星蒼然列河漢橫素界應有羽衣人乘空弄雙鸞吾將

謝諸子去擬鴻濛外

白溝河大風

驚沙塞天地自日失湏洞不辨何西東口噙目曉腫車輕
祇欲飛馬屹不敢動惟聞耳畔響似塌萬山冢又如渤澥
傾掀然大波湧常愁身在岸失足有餘恐徐聞僕夫語舌
彊魂猶竦言此長風來絕塞逾關隴能使千里暗虎豹失
威猛或時吹海舶飄空如曠蠻或捲千鈞車人馬如飛狂
今茲特微颺卽定不旋踵聞言稍開眸昏黃猶蒙龍勉驅
到山店鎧火客方擁下馬競避風談說紛如聞須臾客漸
靜雲散亦總總日色依然嵋西山天際拱出門登車去一
笑覺昏憮

帝京篇

帝京開北極列宿壯

寢居遼海通佳氣燕趙擁

皇輿天開黃道後日麗紫城初萬戶承平樂樂哉良有餘
桑乾出蘆子三月正冰開鳴笳上卿出飛旆列侯來功名
薄衛霍詞賦小鄒枚歲歲通新譽何人到上台

九邊通阨險八部控精強

神武

先朝帝忠誠異姓王自是金甌固由來

化日長儒生不知務猶說古漁陽

去京邑夜至津門還寄徐六襄光律原

聽風簾寒起木葉津門飛遊子歸故鄉浩然有所思躋陵
方此去西山難重違回首望京邑川薄帶逶迤神煙沒寒
清宿鳥驚夜枝闊樹遠蒼蒼河漢明依依故人不可見霜
露忽已滋中洲淹桂楫葭菼沙岸微昨宵共樽酌今夕孤

舟維獻賦君方達奉檄余已非一聞飛鴻叫零涕霑征衣
不隱南山霧終愧元豹姿

望嶽

朝從燕市飲暮息薌門軒方尋齊魯郊去謁蒼帝孫始知
華嶽高不敢自言尊一峰標日觀雙闕作天門鴻荒判夜
氣滄海變朝昏秦封玉檢失漢策金泥存百靈日朝會羣
山勢東奔颯沓風旗合縹渺雲裳飜願隨鸞鶴侶振佩叩
重闔玉女爲採藥元君許贈言星精下丹石仙夢臥雲根
忽念恩鄉邑依然塵市喧歎息望巖穴何由感君恩

兗州道中述懷

客子厭行舟川途恨遠目紓迴汶水過參差嶧山出長淮
隔千里獨夜念疇簪森葭露已重鴟雁聲非一驚鼯半汀

起暗雨蓬窗入噬余弱齡志趨步超儔匹中服古先訓常懷膺世術結交稽呂輩慷慨多遊逸伯鸞歌五噫叔豹思三立宵知蓮廸邇寤寐慚過軸謀道旣未遑謀食遂已急雖蒙君子許頗見蛾眉嫉終軍始入闕相如未歸蜀旣乖請纓志徒懷獻賦筆歲莫方行邁故人不相及寂寂過麟臺黯黯日將夕

月下有懷

不寐愛良夜獨坐臨高齋清風吹羅襟皎月入我懷流雲
素波淨當戶飛銀埃整裾暗芳襲弄水明光噴竹影散青
林忽上玲瓏階卻憶嬋娟子扁舟海上回石葦大如掌異
彩揚珠胎服之可長生白髮不敢催采此未見賄我顏胡
以聞誓欲從玉兔飛逐青天涯乘景弄玉宇濯足陵天台

嬌嬌竊藥去棄我如蒿萊仰望明月輝何用滿九垓

太白樓

青蓮謫隱人頗亦任奇氣脫屣輕王侯平生魯連輩高才
驚世俗咳嗽九天外誰知酣醉中沈憂乃復大蠶竦莫敢
指陽光條已晦誓欲叩重闕雷公怒天界投壺玉女笑天
帝方昏醉哀怨挾淡情佯狂託無賴奇策旣未獻詩謌盍
蒙邁區區一供奉何足繫埃塙煩愁不可銷白髮日以長
鴉鼓動地起西幸何倉皇忠憤不見收晚乃流夜郎當年
釋囚徒乃是郭汾陽脫身始得歸窮老氣盡張謝公吟詩
處亦在青山傍男兒死卽葬何必歸故鄉我今過采石登
樓一傷惺再拜想高風不覺爲君傷

晚泊擬陽訪朱歌堂不見

我從金陵來看盡六朝山六朝多佳麗山水如煙鬟迎風
逞娟妙向我低顏顏攢之不可卽雲彩紛爛斑舉桺邀山
飲山如笑相還曰落紅翠酣山醉我亦闌浩然鼓枻去江
靜無波瀾倦人真圓鏡挂出青雲端照我登采石精靈共
盤桓忽吐鳳雲氣廻白高樓閒微聞老蛟舞山鬼號江灣
歸來始泊舟泊舟檮陽渚坏土古臺基昔人射蛟處我友
有居宅間與茲臺鄰到門不可見水多釣綸卻櫂空船
去相思愁殺人

辭家曲

二月桃李花黃營滿園樹昔風笑行客獨向何方去昨歲
始還家雪滿征車路入門未十旬無乃太息遽酌酒辭舊
風舊風莫笑儂一年曾幾日底事豔陽空閨人亦暗禱不

怨君行早願及昔風先歸向江南道可憐桃李枝無言空
自悲明日君行處正是落紅時寂寞園扉掩曉殺黃鸝兒

詠古

結交幽并兒脫略文與史走馬若飛電躍身如脫矢義可
薄雲霄誓欲同生死蚤歲謁邊將慷慨言兵事謀畫非不
奇時平輕壯士浩然舍之去亦不歸田里東下孟門道南
涉江淮水落拓已十年衣敝屐無齒忽聞鼓角動拔劍夜
數起丈夫念國恩富貴何足餽裏甲赴戰場全身以爲恥
西漢嚴溢賊三輔尤縱橫許訟遂成風白日桴鼓鳴憎哉
廣漢死威制無復行子高本經術數以能諫稱一旦起京
兆發伏驚神剛治尚雜儒雅誅罰亦兼任越法有足大俗
吏何足繩

青蠅玷良璧濯濯完白瑜壯士被惡名折節還讀書讀書亦胡爲乃心念皇都忠義廟夙許垂功在邊隅昔爲市上虎今作水中魚烹魚剖其腹中有明月珠持以謝故入寸衷竟何如

讀書二十年望古懷高芬豈不慕名義名義世所曠黨人不亡漢東林不亡明可笑攀援子客氣徒紛紛激水可沒山激怒可沒身遂使奸雄輩乘時囁風雲豫章多名木日夜來斧斤幽壑潛巨材千歲成輪囷士苟懷忠義何必登龍門

登高望大江落日揚洪波勢與楚天遠厯厯吳山多扁舟爾何來五月浮湘過荒涼左徒宅蘭芷今如何辭賦徒荒淫高調絕乘戈靈雨儻然合哀怨聞湘娥甯爲九疑泣莫

作郢中歌

壯士不受憐志士不顧金哀哉淮陰侯乃愛一飯恩漢帝遇丘嫂轍釜稱無羹一朝君臣合際會成風雲千金報漂母二侯靳所親得失在天下不忘兩婦人誰謂英雄困恩怨不終身

海南多孔翠毛羽爲時珍異彩揚金璧巢在三珠林委身玉堂裏織爲合歡衾佳人抱夜寒霍納香中深物賈得所用微禽亦千金慷慨壯士懷鬱鬱空悲吟

四月十五夜月

迢迢碧雲盡皎皎圓光新清空露微露素影如依人燕趙苦風沙越南遍關津年年異鄉地勞汝常相親孟夏盛陰雨五嶺多浮雲可憐蟾兔光被掩明常昏甯知三五夜復

此白玉輪襄回高樹閒照我萬里身愧無好顏色爲汝慰
殷勤寂寞夜旣久望望空庭軒感歎不能寐何以報精魂

十九夜待月不見

元雲合已夕庭際風生樹襄回赤欄杆昨夜月明處雲深
不可掃月缺那能早愁思如飛螢東西沒庭草待月使人
悲登天未有期遙知隔雲裏此夕嬌嬈嚦青鳥從西來遺
我瑤玕字後月三五時圓光報君意爲我謝嬪娟佳期不
再愆海上風雨闊夜夜玉階前

寄劉孟塗

吾黨有劉生矯矯非常儔崛起榛莽中顧盼邈九州其精
走雷電其氣騰蟠虬化爲九苞鳳文彩鳴周周聲華赫然
起倒屣傾諸侯手握青蛇珠口倒黃河流大人辟英風小

儒驚不侔豈謂滯功名三十守一邱我如祖車騎一鞭先
君投馳逐萬里來忽亦當風休常思同眠夜起舞雞聲啁
東行過齊魯北羌臨燕幽醉上黃金臺脫卻青貂裘轉蓬
吳季子遙買餘杭舟遂乃逾梅關南去登羅浮茲山實仙
窟羽客時來遊青鸞與白鳳仙蓋何悠悠虎豹扼九關白
日崦嵫收顧召許飛瓊爲我彈箜篌聲慘不可終涕泗望
十洲靈符旣未佩仙夢難爲酬君今在何許胡乃不我謀
浩浩大江濱遙遙南海頭精魂儻飛去千里還相求

寄易卿

疾風飄北林旅雁中宵飛與子非比翼安能無別離別離
不復道征路多險巇驅馬一出門僮僕皆我欺豈無華屋
脊接我非故知邂逅託朋賜中更懷狐疑貴人意氣盛客

子中心悲代馬向越中蹀蹀黃金羈哀鳴復何動奔軼未
有時始覺離羣感豈但憎霜疏

別君四五年顏色日以賴中獨懷感傷那復愁炎癆良辰
戒車馬度嶺陟崎嶇遙望海水深蕩蕩來天地何時起鯢
鵬孤鳥自聳峙思君數千里日夕得無淚迴風揚洪波吞
聲從此逝

江水隔五嶺不得通雙魚故人思日夜幾歲無一書匪爲
無一書想君病竊廬閉門何所食早晚烹葵蔬自督有明
志苦節諒不渝此時誰裹糧頗復懷子與

寄懷徐六襄

昔我初結交君爲天中月樓我如蟾蜍清輝相映發今我
久別子遂爲暗後星三五斜在東零落光熢熢君旣不可

見思亦不能已代馬南鷗鵠迢迢七千里

丹鳥翩翩來墮我明窗前銜君一紙書離思何纏綿纏綿似春艸君在長安道三月舊風深鶯聲上林曉問君何所遇著書勤閉戶寂寥太元經荒淫子虛賦獻賦自有時男兒自有期努力愛昔葬雨露方榮滋

迴風吹白日獨上粵王臺海水起大鯤似駕三山來揚鬱傾湧洞鼓鼙乘風雷蓬萊不可見巨浪徒催魏龍女出海底戲折珊瑚釵鮫綃裘明玓含笑投余懷感此意念深萬古無嫌猶東南尋赤水珠樹同裴回

後湘詩集卷第一 緒

後湘詩集卷第二

桐城姚 塏石甫著

五言古體

詠懷

南國舊艸晚悵然獨行吟落日起微風迴波滿江渟君非
三閭子含憂一何深楚水不到越椒蘭委芳林浮雲從西
來猶似瀟湘陰願言懷之子聊撫瑤華琴調遠意自悲草
致空中音

朝聞郢中唱草共越人吟聲響靡以卑眾謂希世音我曲
本哀怨未奏涕已零重華不可期翻以爲荒淫蠅蚋日夜
悲江水日夜深翻翻丹邱鳥一旦棲微岑噦響絕九天安
能逐凡禽此事古所歎豈獨傷余心

士有不適意出入蒙世詬歎息還讀書十事得入九乃知
我所遇往往古人有古人得我知不負千載後平生殫精
慮著述藏二酉但恐百年間無人覆醫瓿縱令我書在我
骨固已朽儻更相是非紛紛安足取

古人陞九級廉遠堂蓋高大臣蒙譏阿盤水加纓麓漢初
用法嚴刀筆由蕭曹往往王侯輩繩純就狴牢朝爲股肱
寄草履更咆哮所以賈生書慟哭濟風澆遂終文景世此
法無一遭豈知百年閒復細如牛毛哉三公貴荷校肆
市朝哀哉李將軍百戰身空勞七十不對簿自到何無聊
至今邊塞下諱者爲悲愴

步出郭西門縱橫陌如繡白水交平田青山復遙岫雉雉
朝已變嘉禾晚方秀籬落時一風雜花芬可嗅顧眉三三

老植杖茅檐後牛羣角彎彎雞聲鳴鼎鼎室有薑醪香門
無里胥怒旣以樂婦子亦可歡故舊偶見客衣冠謙揖禮
儀陋翁誠古先民何必千鍾富此非遠城市已見風淳茂
嘵彼山中人安得朝夕覩

偶隨遊俠兒燕趙相馳驚踏轅五尋驄呼白千金注酒就
文君飲曲乞周郎顧奉觴賣漿家脫劍故若慕惟聞孔文
舉不識袁公路盛遊一朝歇迴首三年誤中宵起長歎涼
月空延佇照我室中唶寒蟬咽危露

淮陰漂母飯漁水義女繫一心憐國士義重嫌疑忘豈意
十年中徒步遂侯王行矣君自愛投身赴滄浪千金何足
報茲人已云訃誰能弔芳澤輾轆嗚中腸一怒更足慙千
載我心傷

人生盡百年神生盡三魂鬱鬱叢蘭茂忽已委道周亦有
不萃實寂寂空椒邱所以賢達人皆爲秉燭遊茲逝豈云
樂或亦致禡尤清音動繁聲妙舞雜名謳眾賓具言醉觥
觴銘相酬歡宴猶未終延尉已見收網羅及賓從纍纍階
前囚可憐囊下婢辛苦事諸奴未識綺羅香豈解珍膳羞
一朝就東市不及待白頭

遷固不可作吾思良史才褒貶豈盡中紀實亦云賊未聞
傳住惡臧否取上裁但保功名終何以折姦回宵知迅雷
下玉石或同摧循循萬石君保祿良足咍孔張彼何人折
鼎居三台此事傳千秋是非未可乖誰能表直節折檻風

崔魏

詩書取精意文章有內心結構寥渺中忽發天籟音眾人

好聲色侈靡爲夸浮但厭觀者目無復中情深紛紛相炫
夸無乃不足稱

蚩蚩陋巷子被褐身不完日中僅一食俯仰多乖慾出入
卽窘步跼蹐無令顏偶爾一朝伸翔步青雲閒旌幢導車
蓋錦鼓傳朝餐恩寵冠曹輩賞賜以萬千妖姬彈琵琶玳
瑁列廣筵漏盡東方高客醉未言旋樂哉中堂宴主人壽
南山卻憶貧賤時何有今日贊人生苟如此雞狗亦得憐
四座競高唱羌笛雜鳴琴何意嘈雜中忽聞山水音泠泠
澗泉響颯颯青楓林絃下清風來寒生玉堂陰主人問此
曲調古不如今何不入商山四皓或同聽方當進鄭衛請
易笛與竽無爲撫哀絃彈者徒霑襟

答我同門友清懷淨冰玉同棲山上雲共採山中綠一別

十五年我行遂彳亍甯隨眾偃仰但覺意局促自足我形
孤敢謂高世俗勉爲希世操難忘舊音曲泛汎杯中醪長
歌還獨澁

再酬張阮林京師寄懷之作

炎風蒸嶺嶠八月無槐意鴻雁避瘴雲魚龍吹海氣昨夜
颺颺發昏冥失天地旅人懷百憂申旦那得寐朝見故人
書遠自京師至別緒亂已久書反動成歲王程逾七千遲
速幸能致教肖祿雖薄阮林時教習覺羅官學頗亦任王事况聞勤

著書身世賴修治自懶仍飄泊出處兩不易強勉排俗愁
開顏復長喟浮雲隔中原白日照顚願卻念故鄉遠蒼茫
忽成淚與君各有親祿養何時遂近聞小兒女疊復能娛
戲兩家時往來聊適庭闈志所恨事遠遊無以備疊味君

能慎明德致遠待令器江湖多風濤霜露摧人最無令乘
萬里再失人中驥

夢歸

久客無好懷久病無好身苦思遂成夢行行至我門門外
何所有桂樹羅青雲入門何所見四壁蒙荆塵上堂拜阿
父阿母喜出看汝行四五年使母摧心肝下堂揖止嫁問
嫂兄安存兄出猶未歸語發淚潺湲回頭婦亦至弱女隨
牽裙嬌小不識耶兒我顏欲瞋婦言家中事日益大艱難
晨炊爨薪盡莫汲井水乾親雖未衰老那得無盤餐辛苦
望君歸豈爲兒女歎又無囊中帛何以慰晨昏信知遠遊
苦世路如波濶得還擗骨肉且復忘飢寒呢呢語未終流
涕雙闌干我心更悲痛倉卒難爲言頓足忽驚寤依然旅

館聞攬衣有餘淚舉目無一親反疑夢中實未覺此地真
傷悼中夜起腸轉如車輪去住兩復難飲恨于萬端不如
雲中雁早逐昔風還

從化南至日出北門登大奎閣觀壁上諸君重九詩
歸而有作示王明府

冬陽布溫煦萬象回蒙屯招攜出北郊曠覽得所欣寒艸
被修隄喬木翳近邨了了見遠峯依依帶荒原琳宮遂俯
仰傑閣愁攀援鐘梵響俱寂空餘彌勒尊雲陰葱竹院日
靜桄榔園老僧喜迎客牽坐語復溫指點壁上觀高詠怡

我神

歸去日欲晚羣山已蒼然離離榛莽中落落生寒煙農功
畢場圃老稚隴上閒樵婦荷籜歸趁客投城垣健兒坐無

事牧馬空壕邊以茲居人樂轉爲行路憐憶昨過三水羣盜仍茲延公然劫白晝行旅爲迫遭此輩雖輕生無乃多飢寒捕誅亦已眾何以絕綿綿乃知此方泰三歎使君贊從大奎閣歸途中憶在攬山日開元寺一僧窮老且病客至亦不爲禮然枯寂有禪意余梅鷗時輒訪之今此間有僧頗能詩乃不及也

余雖風塵人靜理夙所觀出門山水好一望心神閒冬晴雲意靜日色諸峯寥忽憶攬山時探梅叩禪關中有無名僧一住五十年不聞鐘磬響常斷繫下煙老病惟破衲客至無周旋風雨四山夜一燈挂壁間我往見妙寂頗悟枯木禪脚此有遠公詩句殊清妍遊蘇豈不佳而我無取焉摩詰病丈室問汝今何言

獨坐

煩苛病炎溽獨坐整我襟一雨空城入颯然暮寒侵暝煙
散棲鳥遠水搖孤岑望序物變寂寥含思深

夕懷

稍稍棲鳥動霏霏煙靄夕月出東峯高流光當戶白此時
念之子何處還爲客清景最傷人華容坐蕭瑟

盛雨

雷聲西北來驟雨不容避古樹撼危柯懸崖急崩勢坐愁
天河決遠恐海水至澗洞滿乾坤蒼茫使心悸憶昨步東
郊嘉禾甫生遂幸無憂赤旱旅食亦得計十日雨已多盛
潦豈天意朝聞百里外鄰近果沈漬漂溺近千家死者十
三四亟哉撫卹仁莫問誅求更去歲山東旱鬻賣及幼稚

流離徧關中三輔盜盜賑錢已百萬稍覺司農匱至人
和陰陽嘉德應天地災歎雖有時要當懲戒勤勞我
聖皇軫念在宵寐

寄希光姪

昔我出門時盡室悲嗚咽僕夫已告駕展轉不忍別老母
苦輶餐三日肝腸裂平生最嬌兒出入問寒熱一旦事遠
遊艱辛難具說良辰已再愆作哽相敦迫此行覓嚴親迢
迢向百粵但須歸來早算計千金橐少婦背面嚦親解珊瑚
玦恐爲閨房戀晨起理行篋盈盈二小女嬌癡復慙絕
是時送者誰歧嶷有兩姪小者四五齡惟解牽衣哭汝時
未十歲頗知事禮節殷勤道傍送再拜意愴切敦勉語未
終吞聲滿眼血風吹暮塵起回首故山滅從此一登車孤

形遂天末嶺南異中州其地苦蒸鬱瘴雨無四時炎風砭
肌骨湏洞變海氣水土多奇疾老父客幾年辛苦爲家室
况我少壯時詎敢愁嗟咄雖云殊方遠且幸依骨肉悲喜
遊子情蒼茫老親髮客中奉庭養事事禮儀缺極意爲歡
娛深慙備甘滑巍巍尚書公軍門高嶠寬忝以世故私懷
名走干謁崆峒贊得倚長劍刀豈折後更數公贊拂拭未
云闕顧茲鄙人賤迂闊自疏拙落拓故依然風塵長躋躋
前年老親反經營力空竭念我不從歸痛哭舟前發潺湲
十八灘漱石水聲刮兩城侍粵遊三日臨江訣時維孟冬
後夜色慘不豁天際月微昏憐頭觴叩札魂傷淚亦盡寂
寥臥城闕貧賤易別離去住皆倉卒行矣骨肉恩恨深腸
中截家門省多難荼蓼苦難述亾祖十七年尚未歸窶穴

荒野一殯宮風雨愁淋汨叔父客晉死遺孤又斐訥甫能
爲婚冠庶冀傳一脈吾家有祖訓不事工賈業又無半畝
區安能作農活惟餘數千卷卽此窮疏矻清貧何足道憤
免本根撥顧念凍餒愁何以慰存歿追逋逾百萬縛急誰
能脫以患遺君父大義殊乖戾身今在嶺嶠心欲瘳溟渤
日夕百慮煎行多恍惚汝父遊金陵不復計歲月昨有
南來書未得安免竊語中多自咎一言愁百結念我滯炎
荒憐我身孤兀慮我意蕭條勉我行修潔紙長語不盡鼻
酸那能卒爲人子與弟天性愛豈奪孝友吾兩違百行其
奚贖前聞汝兄弟頗復耐麤糲可憐未成人已自遭顚蹶
昨宵有歸夢見汝好眉額少長禮溫溫讀書聲戛戛祖父
顏而笑大母親課閱汝妹亦學書窗前弄筆札此境真有

無覺後雞啁哳汝生本馴順數歲能敦實汝弟襁褓中已
自解親暱祖父愛長孫以古爲期助佳名獨汝卑努力無
賴越庭闈吾已遠汝父又頻出賴汝兄弟輩農畧作歡悅
桐山遠迢遞庾嶺高崕崕嶮我故鄉天何處望江北朝聞
吹角動海上雲深沒旆雨鳴鶯鵠舊風泣鶲鵠誰能遣此
憂與世慕通達吾生愧汝曹歸思徒轚轚題書私報汝聊
爾共飢渴無爲堂上聞日夕增憎怛

七月初用東坡韻

雷聲亂峯西漭漭黑雲上小屋晝苦晷一雨得微亮不知
前溪水已積三尺漲新稻熟已登野果佳可餉歲豐聊見
喜繼至轉增悵嶺嶠非吾家年年不相放

愁來

愁來忽無端時去不可挽平生好健兒弓引十石滿惟倚
馬鞍長宵知白日短風塵盡少壯驥變駑蹇誰能苦顏
低坐使衣帶緩徘徊夕陽不氣結不能飯惟有鷓鴣峯可
以恣眺遠

魏後避熱王鳴雲齋中枉詩見贈

白雁不南渡海風未云櫛坐看赤日永翕絕餘炎洲山城
益卑隘遼郭多荒邱夏無林泉勝何以爲淹留王子斗室
中藥鼎復四周炎炎盛暑際無乃多煩憂君言有道心內
閉非外求烈火飛丹砂清泉濯冰流雖非冷然御小坐如
潛幽茲言信可悅吾道豈云不願以清涼心徧滌煩炎收
惟子瑤華贈薄言不足酬

雨後喜涼示王鳴雲

八月穡已半嶺南山未黃西風轉林杪一雨生微涼閉門
艸階靜唧唧蟲聲長如助幽人吟時時發清商憶昨苦蒸
溽日坐數移卅頃胸不可觸汗體如流漿偶得清淨理快
澆冰雪腸朝來敝虛軒拂拂清飈揚坐沈白日杳意遠長
空蒼黃鵠離哉翻與君孰低昂谷神如可養何處非吾鄉
請看如弓月金境滿東廂

雨夕悵然有懷家兄伯符

牆外明星高謂是雨已驅俄聞崖角響浮雲更深翳雨櫨
氣蕭疏風檐聲颶颶是夕始覺穡新寒峭然至緬懷伯氏
遠江海渺無際寥落高堂愁齰凝升斗計浮雲將擗絮飄
蕩何恨帶五年嶺外身七載江南涕帳帳勿復云寒蛩滿
階砌

夜思

前除白露下天洗雲芽出河漢忽已高虛堂復蕭瑟幽人
有期會欲問餐芝術渺渺不見懷千峯悵嶒崕

中秋日出遊

高林振商飈落葉山谷響杖策尋前溪白雲亂峯上離披
荒榛煙日暮飛孤莽仄徑轉逶迤曠野豁移棲蕭條孤興
發遂恣林泉賞醜景不可窮醜聲滿平壤澄潭雁影下大
澤鷹呼捨快馬五原人雕弓正堪想山僧何方來白髮徑
盈丈問余興淺深一笑林中還

溪山夜興

明月照我來譬如見橫溪影不覺青天空倒漫溪光冷鐘聲
發遙寺半在風門嶺欲還楓林深夜叫山蟲靜窟知霜露

下白鶴生孤警片雲渡前溪歸心餘耿耿

番禺段紹魏

佩蘭

招同薛南洲散茂黃香石培芳遊

白雲山自蒲澗至安期巖夜雨止宿

昨宵明月好山上白雲歸正有素心人招邀豁天機已來
白雲境共款僊人扉不聞雞犬聲時時蝴蝶飛跡高秦帝
慕代遠菖蒲稀衰回鳴泉澗聊復浣我衣那更白雲中太
躋登天梯

初謂白雲高應出飛鳥背披榛度前嶺乃在白雲外下瞰
南溟深因知宇宙大風亂泉聲雜日落海光碎不見青琳
宮曲轉千松檜行人駭飛雨忽已眾山晦回首仄徑微蒼
茫復前邁

山風吹行雲縹渺諸峯滅瀨洞滿乾坤蛟龍忽騰發驚雷

送穢雨萬響競茲路直恐東南傾遂破神靈窟崖深黑虎
踞電怒金蛇掣遊子蕩心魂乘夜劫彌勒蒲團一燈火石
氣逼毛髮亟久聞空香又吐前山月

九月二十一日至羊城謀歸忽聞故人張阮林歿于京師驚哀有作成七十四韻

甲戌歲云暮姚子理歸策呻吟病初愈困頓裏空篋海風
苦使人稜稜砭肌骨羊城復堅臥十日未能發忽聞北來
語我友京師歿瞪目不能言驚定一慟哭殊疑此語誤徧
訪故鄉戚或云得家書以期果三月急詢不得詳大略爲
我說自從入京師日夜勤著述青成逾百卷辛苦尙搜葺
服杜有異同三傳多缺失諸家漢晉史遺散猶可掇不肖
厭奇零隻字如異璧中更耽吟苦精鍊有奇癖不顧世俗

驚那問鬼神泣積思已况瘁力盡乃嘔血臥席曾幾朝溢
爾成永絕聞言信非虛頤足腸欲裂憶我識君初年甫十
七八意氣陵曹輩高才一時出我僅逾成童稍亦見頭角
偶然一朝遇抗論江河決君聞大驚歎謂得所創獲頗悔
平生文未是千穢業以茲盡捐棄奮志希先哲廣讀未見
書精思入幽赜君才本精悍其氣尤雄拓作爲古詩歌奇
光競騰發吾家憎袞翁謂此無與敵海內數奇才指不二
三屈我旣得所契君亦深相結晨夕共討論風雨共飢渴
後乃得數君一一人中傑情親君最先疵類互敦責歲在
丁卯穏同買金陵揖我先龍門化君才獨點額歸來無怨
嗟顧我生喜悅題詩送我行看我車輪北我從京師反正
滿征塗雪裏出一卷詩丹鉛君所闋君旣去西湖我亦向

南粵從此長相思誰知遂死訣聞君始得薦遂止都門輶
文采滿京華聲名一朝赫然書七千里與我言契闊謂此
新知多終不故人若又言所著書次第可剖刷獨有平生
詩待我與合刻念君區區意開誠淚沾臆如何君死時一
言不相及與君六年別學各有損益夙昔疑義多安能共
參決嘗恨道路長書間徒相隔君今在泉下長此終誠默
君年今始壯壽命一何促修短固難期天意無乃酷咎君
嘗學懶奇方試辟穀家人苦相勸我亦謂無益又欲學金
丹華陽得祕笈其說在運氣衰神固精液我心知非謬亦
不爲君祝詎爾遂誤君此恨何由贖我今病亦甚况是人
爲客歸否未可知惟羸殊自怯皆謂心力耗恐遂精神竭
哀君復自懼涕泗勉爲輒我欲招君魂望車以芻秣顧此

炎方遠未可遡靈輶魂無帶北方北方終異域魂當反鄉
里君有先人穴我今力疾反侍我龍山側爲文安君魂投
詩慰君魄君能有精氣還向夢中接

贈管異之

管子貞靜人亦衰蒼生志懷挾千秋文夢想天下事壯哉
蓬蒿中算偃風雲氣金陵龍虎都興廢六朝事悼古懷幽
情高歌發奇致可憐南廂空親見銅駝淚濟世得異人難
難識天意方今

聖明代事與古先異算以詩書光而忘猛士寄鄭重青松
心孤生保忠義

酬馬湘飄飲餘霞閣見贈

江南三月雨城郭煙微茫一舸下金陵柳色如鵝黃交情

得馬生勸我飛塹觴岩堯
蘿飛閣乃在西清涼山仄徑已
深况乃松竹蒼天桃謝舊風凋
谷時一芳既攬鍾阜秀亦
袞江流長餘霞帶遠峯落日依帆檣
我醉邀君歌聲滿震
屋梁老驥蹴蹴怒烈士中情傷世俗苦未休
高言驚眾龍拂袞下山去悠悠何足量

後湘詩集卷第二終